

**BELÉN VILLAR GONZÁLEZ** voceira do PP de Ponteareas, **ANDRES SAMPEDRO, SILVIA FERNÁNDES, FRANCISCO REPRESAS e LINA LIMERES** concelleiros polo grupo do Partido Popular, ao amparo do disposto no Regulamento de Organización, Funcionamento e Réxime Xurídico das Entidades Locais, presentamos ante ese Pleno Corporativo a seguinte **MOCIÓN**

## **EXPOSICIÓN DE MOTIVOS**

O Concello de Ponteareas dispón dunha escola infantil municipal dende fai moitos anos, que se ampliou no ano 2005 para atender a demanda que existía e facilitar a conciliación familiar de moitos pais que agardaban en lista de espera que houbese praza para os seus fillos.

Durante todos estes anos, e tendo en conta a antiguedade do edificio, fóreronse producindo adaptacións de acordo coas novas normativas que entraban en vigor, tanto no que se refire á instalación como no que se refire a adecuación de medios humanos e técnicos.

A adaptación a normativa e os sucesivos cambios que aplicaban ao uso da escola infantil, xunto coa entrada en vigor do código técnico da Edificación (CTE) e a necesidade de obter dito certificado, fixeron que durante varios anos se traballase na consecución dun proxecto de adaptación do conxunto do edificio actual. E só foi en xaneiro de 2019, despois de varios plantexamentos feitos, cando a Consellería de Política social autorizou un proxecto que incluía as reformas necesarias para que todo o edificio se axuste a lexislación vixente.

Durante todo o ano 2019 o goberno non puxo en marcha a contratación desta obra, e o mesmo sucedeu durante o ano 2020. Agora estamos rematando o mes de abril de 2021 e Goberno local continúa sen dar comezo do expediente de contratación para levar a cabo dita actuación, que é imprescindible para o correcto funcionamento da escola infantil e para manter as prazas existentes nas oito aulas actuais, e non ter que deixar sen uso dúas das aulas que contan con 29 prazas, e que son moi necesarias pola demanda existente cada ano.

Tendo en conta que a actividade no centro é continua durante todo o ano excepto no mes de agosto que pecha, as obras no conxunto do edificio terán que coordinállas de maneira que poidan realizaras e seguir funcionando as aulas con seguridade. A solución é programar e planificar a execución por fases, nos períodos que a escola non está aberta, sen necesidade de pechar o centro e causar o menor dano as familias que teñen os seus fillos na escola infantil.

Por todo o anteriormente exposto, entendemos que se debe priorizar na execución destas obras, de acordo co Proxecto "Reforma de edificio para legalización de Escola Infantil" que encargou o Goberno local e que a Xunta de Galicia lles aprobou en xaneiro de 2019, e visto que na actualidade continúa sen iniciarse o expediente, dende o grupo municipal do PP presentamos a seguinte **MOCIÓN** ao Pleno na que solicitamos:

1. Que o Goberno **inicie unha modificación do Orzamento deste ano 2021**, creando unha partida económica suficiente **para comenzar a contratación e posterior execución do proxecto "Reforma de edificio para legalización de Escola Infantil"**, redactado por Julia Vilas, e aprobado pola Xunta de Galicia en xaneiro de 2019.

Ponteareas, a 26 de abril de 2021



Asdo: Belén Villar González

**ATT: PLENO MUNICIPAL CONCELLO DE PONTEAREAS**